

Hwngzyen “It Hoih It Ciet” Minzcuz Conzdungj Heiqfaenh Naekna

横县“一会一节”民族传统节庆氛围浓厚

8 nyied 22 daengz 24 hauh, daihgouj gaiq daengx guek caz vamaedlaeh gyauhyiz bozlanjvei, bi 2015 Cungguek(Hwngzyen) ciet vamaedlaeh vwnzva youq Hwngzyen gawjbanh. Hoihciet geizgan vwnzva hozdung ndei yawj dangqmaz, minzsuz yienj ok gig miz daegsaek minzcuz, gizgiz cungj yienjok gij heiqfaenh gvaq ciet he.

8 nyied 23 hauh banhaet, gij minzsuz funghcingz youz Hwngzyen canghheiq bonjdieg ndawbiengz biujyienj haenx gig ndei yawj, fatyienz le daegsaek minzcuz vwnzva, vih gyoengq hekyouz yienj yisuz vwnzva conzdungj

caeuq funksug Hwngzyen. Fouxlungz、vwnzyi yienjok daengj hozdung ndei yawj yinx ndaej gyoengq hekyouz lwgda yawj dwk cungj mbouj yaep, yienhciengz gig nauhyied.

8 nyied 23 daengz 24 hauh geizgan, gij cezmuz minzsuz ndawbiengz youz canghheiq Hwngzyen bien yienj haenx, youq Hwngzyen Hwngzcouh Gunghyenz、Haijdangz Gunghyenz、suen vamaedlaeh Cunghvaz mbouj doengz seizgan okcunz yienjok. Youq seiz minzsuz vwnzva cezmuz biujyienj, foux、fwen bonjdieg, ndaej daengz bouxyawj bekwngz haenh ndei.

(Cinz Siujdauh/覃小涛)



▲ Bi 2015 Cungguek ciet vamaedlaeh vwnzva gaihmusicz.



▲ Hekyouz senj cawx gij daisiua Yauzcuz.

Ginhsiu:

Hawj Vwnzva Canjbinj Dauq-bwnq Swnjcienz Vwnzva

金秀:让文化产品反哺文化传承

8 nyied 24 hauh ngoenzde, hekyouz cungj humx youq Ginhsiu Yauzcuz Swciyen aen bouqdajsiuq Cau Fung-yangh senj cawx gij dajsiuq Yauzcuz. Cau Fung'yangh dwg bouxswnjcienz swcigihgaep feihvuzciz vwnzva yizcanj he, gij dajsiuq Yauzcuz ndaw diemq de cungj dwg de gag guh, aenvih dinfwngz ndei、yienghsik lai、daegsaek minzcuz naekna、gyaqcienz hablex, ndigah ndaej daengz hekyouz haengjyaez.

Gaenh geij bi neix daeuj, aen yienh neix yawjnaek lijyouz caeuq minzcuz vwnzva giethab, doenggvaq beizyin、dazyinx caeuq bangfuz, hawj haujlai bouxswnjcienz feihyiz daj bouxcienzboq minzcuz vwnzva dan'it, bienqbaenz bouxhaifat、bouxgaicawx minzcuz vwnzva canjbinj, ndaej hawj gyoengqde demsou.

(Gauh Yuzginh/高如金)

Lungzswng: Baujcwng Dung-cai Angqhoh “Ciet Cienzgo”

龙胜:宝赠侗寨欢庆“传歌节”

8 nyied 25 hauh(liggaeuq caet nyied cibngeih), Lungzswng Gak Cuz Swciyen Lozyangh Yangh Mbanjbaujcwng beixnuengx Dungcuz angqhoh “ciet cienzgo” moix bi gvaq baez haenx. Dangdieg beixnuengx Dungcuz doxcomz youq giz haenx, caez ciengq golaux Dungcuz, swnjcienz vwnzva Dungcuz.

Gaenh geij bi neix daeuj, aen yienh neix doenggvaq gawjbanh gak cungj minzcuz conzdungj hozdung, haenqrengz swnjcienz caeuq baujhoh golaux Dungcuz、aen venz caijdangz、giuzndojfwn、laeuzgyong daengj yenzswnghdai daegsaek Dungcuz, yinx ndaej haujlai hekyouz daeuj yawjngonz youzcet.


(Gyaj Libingz/贾丽平 Vuz Swngh-binh/吴生斌)



▲ Ciengq golaux Dungcuz.

Gij Saw Dingjhoenx Yizbwnj Youq Yungzanh Yienhsingz Ndaej Daengz Vunzlai Angqcoux

抗日题材系列经典图书在融安县城受欢迎



▲ Bouxcoz nyinhcaen yawj saw dingjhoenx.

Youq seiz Cungguek yinzminz gang Yiz cancwngx caeuq seiqgyaiq fanjfazsihswx cancwngx ndaejhingz 70 hopbi, Yungzanh yienhsingz gak bouqsaw cungj doiok saw geiqniemh dingjhoenx ndaejhingz, gij lizsij siliengz youh ak dingjhoenx caeuq gojgaeq haenx ndaej daengz vunzlai angqcoux.

Ciuq aen yienhsingz neix bouqsaw boux gunghcoz yinzyenz naeuz, bouqsaw sinhvaz aeu saw dingjhoenx daeuj comz gai dwg gaenxgoemx haeujcoengx Cungguek yinzminz gang Yiz cancwngx ndaejhingz 70 hopbi geiqniemh hozdung. Muzdiz dwg hawj aen yienh neix gak cuz yinzminz yawj gij gojgaeq banlax gwzming, hawj gyoengqvunz geiqmaenh lizsij、siengjniemh senhleiz、insik hozbingz seizneix.

(Veiz Cujswz/韦祖祠)